



SIARAN MEDIA

KEMENTERIAN BELIA DAN SUKAN



KBS : 19/2024

MAJLIS SAMBUTAN PLAY TRUE DAY 2024

1. YB Hannah Yeoh, Menteri Belia dan Sukan telah menyempurnakan Majlis Pelancaran Sambutan '*Play True Day*' Tahun 2024 bertempat di Axiata Arena, Bukit Jalil hari ini.
2. *Play True Day* merupakan inisiatif atau gerakan global yang diperkenalkan oleh *World Anti-Doping Agency* (WADA) bagi mengumpulkan semua pemegang taruh utama sukan terutamanya para atlet serta penggiat sukan dan menekankan tentang kepentingan mengamalkan budaya Sukan Bersih, Adil dan Berintegriti serta mengelakkan diri dari terjebak dengan gejala doping.
3. WADA menggalakkan seluruh komuniti anti-doping global untuk menyertai kempen media sosial yang didedikasikan untuk meningkatkan kesedaran tentang kepentingan sukan bersih dengan menggunakan hashtag #OnePlayTrueTeam. *Play True Day* disambut pada bulan April setiap tahun dengan pelbagai aktiviti dan program yang dirancang di peringkat negara masing-masing.
4. ADAMAS selaku badan autoriti negara turut mengambil bahagian di dalam sambutan ini dengan mengaktifkan platform media sosial, menyampaikan mesej serta menggalakkan penyertaan dalam kalangan pemegang taruh sukan.

5. Bagi memastikan usaha penyampaian maklumat dapat dilaksanakan secara proaktif dan berkesan, ADAMAS bertanggungjawab mengunapakai *World Anti-Doping Code 2021* dan *ADAMAS Anti-Doping Rules 2021* dalam memperkasa jentera *anti-doping* dan melaksanakan aktiviti pendidikan berasaskan nilai kepada golongan pemegang taruh.

6. Selaras dengan pemerksaan ekosistem sukan Negara, pendidikan anti-doping merupakan antara subjek yang penting dalam memastikan gejala doping dapat dibanteras dan mengekalkan budaya sukan yang bersih di kalangan atlet dan penggiat sukan di tanah air.

Agensi Anti-Doping Malaysia (ADAMAS)

Kementerian Belia dan Sukan Malaysia

29 April 2024